

沁水縣志

第六冊

沁水縣志

卷六
藝文

沁水縣志卷之十

祥異

周禮保章氏掌察祇祥而春秋一書志禾麥記螟螣以及石隕鷦飛之類蓋其詳哉休咎天行也防患則關人事焉弭禳迓祉非有德者不能而考古驗今用以恐懼修省宰斯土者可勿留意歟志祥異

紀歲

明萬歷間五穀豐登六畜繁盛至天啟崇禎間生齒漸庶俗尚漸奢亨極而剝已兆兵荒之禍矣

崇禎六年猛虎食人瘟疫大作

十一年蝗

十二年夏早蝗冬蝻生累累然蔓延附地如鱗民大困

十三年歲大祲民多餓死人相食

十五年縣治大門災

國朝順治二年大有

四年大旱六月始雨

五年夏河水溢冲壞南城牆垣秋淫雨房屋多塌損

六年三月大雪四月地震

七年大雨河水溢傷禾稼

八年秋大雨河漲傷稼

九年大旱

十三年地震大旱無麥

十四年旱

十五年大有

康熙二十九年黑蟲食禾牛生瘟

三十年五月旱無麥蝗食苗人民死徙殆半

三十一年元日大風自春至夏不雨疫作

三十四年地震城堞傾毀與太原平汾潞同日

三十六年三月大雷電南山塔頂寶瓶墜牆壁崩毀土人

云係雷擊

四十四年大有

六十年自六月旱至九月始雨秋禾不登

六十一年夏無麥秋薄收市絕米麥人多饑死

雍正九年大有

十年秋霖雨傷稼

十二年春大雪

乾隆二年秋旱

五年大有

六年大風拔木

十三年天鼓鳴

十五年大雨雹

十六年大水

十七年大旱

十八年雨雹

十九年大疫

二十二年大風傷稼

二十三年雨雹

二十四年大旱七月大雨河漲冲塌東關外大石橋冬天下

鼓鳴

二十五年大有

二十六年大水

三十三年旱

三十五年大水冲塌東門外石橋

四十三年大旱

四十七年大水西關臨河房屋皆冲沒

五十七年大旱饑饉相望民賣子女而食

六十年大雨雹

嘉慶元年二月雨豆

九年旱歲大歉

十五年正月壬申晝晦春旱米翔貴夏雨始種

十八年秋霖雨彌月歲歉

十九年歲歉冬無雪

二十年秋大雨九月地震

二十一年春大寒

二十二年夏秋旱歲歉

二十五年夏旱七月雨

道光五年春大雪樹多凍死

七年夏旱

十一年冬大雪

十二年秋霖雨傷稼

十三年民多疫

十五年春旱夏無麥秋早霜殺穀民大饑

十六年大瘟

十八年夏雨雹

十九年三月霜桑葉多凍損

二十年六月大雨

二十二年六月戊寅朔日食既晝晦見星

二十六年旱

二十七年夏旱無麥秋霖雨傷稼歲歉

二十八年秋大熟

咸豐三年正月丁卯天色赤風塵蔽日

六年夏旱秋多蝗

九年歲歉

十年春大饑

同治元年飛蝗遍野七月十五夜星隕如雨十月地震

三年大水

四年秋螟傷稼

八年秋旱

九年秋雨雹

十二年夏大風秋旱冬大雪柿樹多凍死者

光緒二年歲歉

三年大旱饑饉相望民多餓死

四年歲大祲人民死亡過半

五年秋禾始薄收

六年夏有麥秋旱禾減收

七年春牛生瘟

論曰沁地土瘠民貧水無魚鹽之利山無珍奇之產前數十年大半服賈於山左風俗漸近奢靡嗣後逐末者少務本者多唐風蟋蟀之遺猶有存者然男耕女織終歲勤勞亦僅上供

國課不苦於追呼下謀衣食可免於凍餒坐擁厚貲者有幾人哉一遇年不順成室如懸磬比戶皆然況丁丑戊寅年間旱魃爲虐若是其甚乎獨是議賑於沁亦有難焉者矣路不通車惟資馬力人饑而物亦饑糧貴而脚更貴其難一也耕讀之士半屬苦寒素封之家亦僅溫飽捐助本無多家資已告匱其難二也橫亘二百餘里延袤六百餘里人烟遼闊查核多疎極貧次貧虛實互報其難三也以枵腹之人就升合之粟扶老攜幼披榛

越嶺日往返於山谷之間不賑固饑賑之亦不免於饑
其難四也沁地人民不過十萬之數而待賑者已有八
萬六千七百之多安得人而全活之其難五也夫處難
賑之勢又無可賑之項數萬生靈豈不奄然待斃乎然
而沁之民卒不盡填於溝壑者非能自謀之也實仰賴
聖朝截漕發帑有加無已得以延殘喘而出涸轍耳光緒三
年十月開賑常平倉內舊存穀九千五百七十石光緒
四年撥漕米六千六百石以賑之光緒五年撥漕米二
千八百石以賑之且不獨賑濟目前已也痼瘵在抱擘
畫恒周既爲民請命復爲民謀生使甘霖普降而耕種
無資民有無可如何者矣而

列憲早代慮之光緒四年四月給籽種銀三千兩八月

給麥種銀四千兩光緒五年給耕牛一百頭又給耕驢
一百一十四頭夫然後民之鴻噉者得以驅犢田間矣
民之呼庚者亦漸望夫酉熟矣值數百年未有之奇荒
而弭禳迓祉實具旋乾轉坤之力則予遺之黎庶所以
得保餘息而咸慶更生者夫豈偶然也哉

--	--	--	--

兵燹

宋岳飛遣梁興渡河糾合忠義取河東北州縣興會太行忠義及兩河豪傑趙雲李晉董榮牛顯張峪等破金人於垣曲又捷於沁水追至孟州取懷衛二州大破兀朮軍

明崇禎三年流賊王嘉允率眾六千餘人犯竇莊竇莊在邑東南張忠烈銓父五典築堡防亂銓子道濬等官京師賊至忠烈妻霍氏身先登埤眾因之防守甚嚴賊環攻之堡中矢石並發賊傷甚眾越四日乃退

崇禎四年河曲賊王嘉允由沁水入陽城五年七月山西巡撫宋統殷擊賊於長子賊奔沁水庚辰賊首紫金梁老猗猗入金剛以三萬眾圍竇莊時張道濬家居率其族禦之賊多死聞秦師且至懼欲乞撫紫金梁呼於壁下道濬

登埤見之紫金梁免胄前曰我王自用也向譏從王嘉印
故至此此來乞降耳俄老徊徊亦至道濬諭之曰急還所
俘散若徒眾吾爲請於撫軍貸爾死賊乃還所掠拔營而
西入陽城界道濬以賊情告統殷曰賊狡未可信因遣使
往覘賊諸賊咸就約惟八大王闖塌天五營不受命紫金
梁歸欵未決諸軍乘賊不備輕騎襲賊營賊怒南犯濟源
陷溫縣張道濬見賊一賊前致好詞本宜川諸生韓廷憲
也乃與定約巡撫宋統殷命守備薛天祿往受之宣大總
督張宗衡部兵乘不備掩襲賊怒殺天祿復叛而南下廷
憲以三騎來歸偵亂世王與紫金梁爭一村婦貽書間之
賊果疑分七大部多者萬人少者數千人圍孟縣殘忻州
窺定襄躡五臺勢尤熾

六年五月賊犯沁水總兵曹文詔大敗之擒其魁大虎七月辛丑賊又至知縣焦鰲死之賊自秦入晉五犯沁水至是城陷

十年陽和兵敗賊於鹿臺石塔張道濬捐百五十金於城西北隅築寨難民灰燼中索遺物者得依之後漸次來歸終有故封

國朝同治六年冬捻匪由吉州入寇逼近沁水東塢嶺勢甚猖獗邑令陳繼三募勇一千五百人又得官兵百人與邑中紳士分守各隘且設伏數處以爲援應十二月初十夜賊犯黑虎嶺弁勇奮力轟擊伏兵亦齊起應之賊敗而退復遣人故遺書於路聲言大軍將至賊得之更懼遂出晉疆竄入濟源陣亡者二十餘人潞澤兩郡咸賴以安